

Устунлик фақат тақво биландир



ISLOM.UZ

УСТУНЛИК ФАҚАТ ТАҚВО БИЛАНДИР

14:00 / 27.02.2023 1602

Суратда, 1906 йил, Америка ҳайвонот боғларидан бирида томошага қўйилган филиппинлик бола. Унга худди маймун каби олдига егулик ва овқатлар отишмоқда. Аслини олганда у ҳам христиан оиласидан бўлган, уларнинг диндоши эди.

Фарб дунёси тахминан 70 йил олдин ҳам африкалик ёки осиёликлар ҳам одам эканига асло қўнига олмаган. Черковлариға кирганда ҳам оқ танлилар алоҳида, африкалик қора танлилар алоҳида ибодат қилишган. Энди динимизга, пайғамбаримиз Мұхаммад соллаллоҳу алайҳи васалламга назар соладиган бўлсак, Макка шаҳрини фатҳ қилганларида Каъба эшиги олдида туриб: «Қани Билол?», сўрадилар. Сўнга шундай дедилар: «Эй Қурайш аҳли! Мен Билолни мана шу Каъба эшиклари олдида қийнаб азоблаганингларни асло унутмайман». Билол келгач эса унга қараб: «Эй Билол, Каъбани ичига мен билан кир. Ҳозир бу ерда мен билан сендан ўзга ҳеч ким намоз ўқимайди» дедилар.

Каъба ичидаги ракат намозни адо қилишгач, Расулуллоҳ соллаллоҳу алайҳи васаллам Билол ибн Рабоҳага қараб: «Бўлгин, Каъбани томига чиқ. Эй Билол, Аллоҳдан ўзга илоҳ йўқ. Аллоҳнинг наздида ушбу Каъбанинг қадри улуғдир. Лекин Аллоҳга қасамки, бугун сенинг қадринг унданда улуғдир», дедилар.

Ўшанда, (асли эфиопиялик кул бўлган, биринчилардан Исломни қабул қилган, кейинчалик Абу Бакр Сиддик розияллоҳу анҳу томонларидан сотиб олиниб озод этилган) Билол Ҳабаший Каъбанинг томида туриб, Расулуллоҳ

соллаллоху алайхи васалламнинг издошлари саҳоба розияллоху анҳумлардан иборат 10 минг кишилик улкан қўшини олдида азон айтган эдилар.

Зеро, Расулуллоҳ соллаллоху алайхи васаллам видолашув ҳажида: «Эй инсонлар, эҳтиёт бўлинглар, Роббингиз бир, отангиз бир. Арабнинг ажамдан (араб бўлмаган) афзаллиги йўқ, ажамнинг арабдан, оқ танлиниңг қора танлидан, ёки қора танлиниң оқ танлидан устунлиги йўқ, устунлик фақат тақво биландир», дея марҳамат қилганлар.

**Бобур
Аҳмад
таржима**